



Esp. zk: SUBV_EVAL_INDIV/2025/2

Dirulaguntza-deialdia banakako ebaluazio-araubidean, mugitzeko desgaitasun larriak dituztenei egokitutako garraiobide alternatiboa eskaintzeko, taxi-bonuaz baliatuta. 2025. urtea

Deialdi honen xedea da dirulaguntzak banakako ebaluazio-araubidean emateko prozedura garatzea, deialdi honetako B) apartatuan zehaztutako jarduketak egiteko, horrela betez Iruñeko Udalaren Dirulaguntzei buruzko Ordenantza Orokorrak xedatutakoa, zeina Iruñeko Udaleko Osoko Bilkurak hasiera batez hartutako erabakiaren bidez onartu baitzuen 2005eko azaroaren 3an –erabaki hori behin betiko bihurtu zen, ez zelako erreklamaziorik aurkeztu jendaurrean ikusgai egon zen epean–. Deialdi honetan aurreikusi gabeko orotan, Dirulaguntzei buruzko Ordenantza Orokorreko agindua izanen dira aplikagarri. ([2006ko otsailaren 17ko NAO n argitaratua, 21. zk.](#)).

A. ENTITATE DEITZAILEA:

1. Administrazio deitzailea:	IRUÑEKO UDALA
2. Organo emaila:	Gizarte Ekintzako Zinegotzi Ordezkaria
3. Alor kudeatzailea:	Gizarte Ekintzako Alorra
4. Instrukzio-organoa:	Dirulaguntza kudeatzen duen Alorreko idazkari teknikoa.

B. DIRULAGUNTZAREN XEDEA, BALDINTZAK, BETEKIZUNAK ETA HELBURUA:

1. Deialdiaren xedea:

Deialdi honen xedea da banakako laguntzak arautzea, Iruñeko taxi-bonuaren bidez ematekoak, desgaitasuna dela-eta hiri garraio kolektiboa erabiltzeko zailtasunak dituztenei garraio egokitu alternatiboa eskaintzeko (taxia). Deialdi hau garraio kolektibo publikorako ibilgailuen irisgarritasunaren garapenak baldintzatuko du beti.

2. Deialdiaren helburua:

Laguntza horien helburua da mugitzeko zailtasunak dituztenei hirian mugitzen laguntzea, bizimodu independentea egin ahal izan dezaten eta, ondorioz, gainerako herritarren eskubide berberak izan ditzaten, baldintza berberetan.

3. Diruz laguntzen ahal diren ekintzak, proiektuak, jokamoldeak eta jarduerak egiteko baldintzak eta epeak:

Dirulaguntza hau honela gauzatuko da: dirua emanen da, txartel elektronikoen baten bidez, onuradunek joan-etorriak taxi zerbitzu publikoaren bidez egiteko erabil dezaten 2025ean, urtarilaren 1etik abenduaren 31ra bitarte, honako baldintza hauekin bat:

- Dirulaguntza kontzeptupean ematen diren kopuruek hilabeteko iraupena izanen dute, 2025. urtean dagokion hilabeteetan, uztailaren eta abuztuaren salbu: udan bi hilabeteko iraupena izan dezake antolakuntza-zioak direla eta.

Taxi-bonuak norberarenak eta besterenezinak izanen dira, eta entitate laguntzaileak txartel elektronikoen gisa banatuko ditu deialdiaren onuradunen artean.

Taxia eskatzean, onuradunak aldez aurretik jakinarazi beharko du diru-txartela erabiliko duela.

- Taxilariak hala eskatzen badiu, onuradunak identifikazioa aurkeztu beharko du: NANA edo nortasuna egiaztatzen duen beste edozein agiri.

- Taxi-bonua Iruñerriko taxi-zerbitzuko edozein taxi egokitu eta/edo irisgarri motatan erabiltzen ahalko



BANAKAKO EBALUAZIOA

da, betiere Iruñerriko Mankomunitatearen eskumenaren barnekoa bada. Udalerrriaren barneko joan-etorrietarako eta Iruñerriko garraio publikoaren hiriarteko eremukoetarako erabiltzen ahalko da.

- Onuradunaren egoera aldatzen bada, jakinarazi egin beharko ditu aldaketa horiek, baldin eta programan sartzeko eskubideari eragiten badiote.
- Hilabete bakoitzari dagozkion taxi-bonuaren zenbatekoak baliozkoak izanen dira dagokion hilabete naturalaren azken egunera arte, betiere 2025eko abenduaren 31ra bitarte.
- Desgaitasunak aitortzeko zentroak emandako ebazpenean adierazi egin beharko da eskatzaileak zer zailtasun duen garraio kolektiboa erabiltzeko.

4. Baloratzeko betekizunak, bideak eta lehentasunak:

☒ BAI ☐ EZ

B.3 apartatu honetan eta D.1 apartatuetan ezarritakoarekin bat.

C. AURREKONTU-KREDITUAK, DIRULAGUNTZEN GEHIENEO ZENBATEKO OSOA ETA BANAKAKO ZENBATEKOA:

1. Deialdian gehienez ezarritako zenbateko osoa: 267.000 €

Apartatu honen amaieran adierazitakoa ezertan galarazi gabe, 2025ean aurrekontu-kontsignazioa agortzen bada eta Gizarte Zerbitzuetako Alorrean urte horretarako aurreikusitako beste jardueretako batzuk ez badira gauzatu, zenbateko horiek deialdi honetan erabiltzen ahalko dira, beste deialdi bat egin beharrik gabe. Gehikuntza horren onuradun izanen dira eskabidea deialdi honekin bat eta dirulaguntzak eskatzeko epean egin duten eskatzaileak, baldin eta kreditua agortzean laguntzarik jaso gabe gelditu badira.

Halaber, laguntzaren onuradunek taxi-bonuaren txartelaren bidez hura jasotzeko eskubidea izanen dute soilik deialdi honetara zuzendutako gehieneko zenbateko osoa agortu arte.

Dirulaguntzek ezin izanen dute gainditu deialdi honetan ezarritako zenbatekoa.

2. Aurrekontu-partida: 70/23181/480000

3. Banakako gehieneko zenbatekoa eta hori zehazteko irizpideak: Onuradun bakoitzari emanen zaion gehieneko zenbatekoa hilabeterako ezarriko da, eta garraio kolektiboetara sartzeko zailtasuna neurtzeko baremoan jasotako kalifikazioaren arabera zehaztuko da. Ondoko zenbatekoak ezarri dira:

- 103 €, desgaitasun-maila aitortu, deklaratu eta kalifikatzeko prozedurari buruzko 1971/1999 Errege Dekretuan, abenduaren 23koan, jasotako "Garraio kolektiboa erabiltzeko zailtasunak neurtzeko baremoko" A, B eta C apartatueterako, edo urriaren 18ko 888/2022 Errege Dekretuko mugikortasunari buruzko apartatuan % 50etik % 100era bitarteko (biak barne) ehunekoa dutenendako.

- 62 € hiler, gutxienez 7 puntu dituztenendako "Garraio kolektiboa erabiltzeko zailtasunak neurtzeko baremoko" D, E, F, G eta H apartatuetan, edo urriaren 18ko 888/2022 Errege Dekretuko "Mugikortasun Jardueretarako Mugen Baremoan" (MJMB) % 25etik % 49ra bitarteko ehunekoa dutenendako (biak barne).

Onuraduna egoitza batean bizi bada, zenbatekoek ezin izanen dute 86 € eta 52 € baino gehiagokoak izan, hurrenez hurren.

% 25eko gehigarria emanen da (hilean 129 € edo 78 € bitarte, hurrenez hurren) egunero taxia erabiltzeko beharra egiaztatzen bada lantoki batera edo derrigorrezkoaren ondorengo irakaskuntza arautuko ikastetxe batera joateko (Batxilergoa, LH edo Unibertsitatea), betiere baldin eta zentroak ez badu erabiltzaile mota horiendako garraio egokitua eskaintzen.

Hilean gehienez jaso daitekeen zenbatekoa % 10 murriztuko da, eta 93 € eta 56 € izanen da hurrenez hurren, baldin eta onuradunak desgaitasunen bat dutenendako aparkatze-txartela badu. Murrizketa horrek ez die eraginen egoitzetan bizi direnei, ikasten ari direnei eta lanean ari direnei, klausula honetan ezarritakoarekin bat.

4. Urte anitzeko deialdia: ☒ BAI ☐ EZ

Urte anitzeko deialdia izanez gero, urte anitzeko gastuetarako baimena eta konpromisoa dagokien aurrekontuetan ekitaldi bakoitzerako ezartzen den kredituaren menpe egonen dira.

5. Urtekoak:



BANAKAKO EBALUAZIOA

Urteko arrunta:	267.000 €	2. urtekoa:	€	4. urtekoa ()	€
1. urtekoa (2025)	267.000 €	3. urtekoa ()	€		

D. PERTSONA EDO ENTITATE ONURADUNA IZATEKO BETE BEHARREKO BALDINTZAK:

1. Pertsona edo entitate onuraduna izateko bete beharreko baldintzak:

Dirulaguntza ematea zertan oinarritzen den, egoera horretan dauden pertsonak edo entitateak izaten ahal dira onuradun, baldin eta ondoren aipatzen diren inguruabarretan badaude eta Dirulaguntzei buruzko Ordenantza Orokorren 10. artikuluan ezartzen diren ezein debeku-ziok eragiten ez badie, salbu deialdiaren izaera kontuan izanik azken baldintza horren salbuespena egiten bada eta apartatu honetan hala egin dela adierazten bada.

Berariazko betekizunak: ☒ BAI ☐ EZ

1.- Iruñean erroldatua izatea 2024ko urtarrilaren 1etik, eta bertako udal-erroldan izena emanda egotea laguntza jasotzen den bitartean.

2.- % 33ko desgaitasuna edo handiagoa izatea eta horren ondorioz zailtasunak izatea garraio kolektiboetara sartzeko, eta hori egiaztatua izatea Desgaitasunaren Ziurtagiri Ofizialean, zeina Pertsonen Autonomiarako Nafarroako Agentziak (ANAP) ematen baitu desgaitasuna aitortu, deklaratu eta neurtzeko prozedura zehazten duen 1971/1999 Errege Dekretuko 2. Gehigarriko "Garraio kolektiboa erabiltzeko zailtasunak neurtzeko baremoak" ezarritakoarekin bat: A, B eta C apartatuetan ezartzen dena betetzea; edo gutxienez 7 puntu eskuratzea D, E, F, G eta H apartatuetan; edo gutxienez % 25eko puntuazioa eskuratzea Mugikortasun Jardueretarako Mugei (mugikortasun murriztua) dagokienez, desgaitasuna aitortzeko, deklaratzeko eta neurtzeko prozedura ezartzen duen 888/2022 Errege Dekretuko "Mugikortasun Jarduerak egiteko Muga Baremoak" ezartzen duenarekin bat.

3.- Gidatzeko baimenik ez izatea, edo, inoiz izan bada ere, desgaitasunaren ondorioz fisikoki gidatzeko moduan ez egotea (osasu-ziurtagiriaren bidez egiaztatu beharko da hori).

4.- 18 urtetik gorako eskatzailea bada, mugitzeko desgaitasuna dutenendako egokitutako ibilgailu propiorik ez izatea.

5.- Familia-unitateak ez gaingitzea urteko gehieneko diru-sarrerera hauek Pertsona Fisikoen Errentaren gaineko Zergaren azken ekitaldi aitortuan, taula honekin bat:

Kide kopurua		Diru-sarreraren muga
1	3,00 X OAEAP	25.200€
2	4,00 X OAEAP	33.600€
3	4,50 X OAEAP	37.800€
4	5,00 X OAEAP	42.000€
5	5,50 X OAEAP	46.200€

2024ko OAEAP (Ondore Anitzeko Errenta Adierazle Publikoa): 8.400 € urtean

6.- Familia-unitateak ez izatea 100.000 eurotik gorako ondarea, ohiko etxebizitzaren balioa kontuan hartu gabe. Halaber, dirulaguntza ukatu egingen da, edo, hala badagokio, bertan behera utziko da, aurrez prozedura egokia eginda, baldin eta atzematen bada laguntzaren eskatzaile edo onuradunaren edo familia-unitateko kideren baten pobretze faltsua izan dela.

Deialdi honetako ondorioetarako, eskatzailearen familia-unitatearen baliabide ekonomikoak kalkulatzeko, kideen errenta eta ondarea hartuko dira kontuan, irizpide hauekin bat:



1. Familia-unitatearen diru-sarrera guztiak hartuko dira errentatzat edo urteko diru-sarreratzat, hauek eragindakoak badira:

- Lan-etekinak, pentsioak eta gizarte-aurreikuspeneko prestazioak barne hartuta, haien erregimena edozein dela ere, eta nahiz eta PFEZaren aitortzearen errenta salbuetsi gisa agertu. Besteen kontura egindako lanaren etekinaren diru-sarrera gordinetatik kenduko dira hala Gizarte Segurantzari ordaindutako kotizazioak nola eskubide pasiboengatik, derrigorrezko mutualitateengatik edo antzekoengatik ordaindutako zenbatekoak.

- Kapital higigarrien eta higiezinaren errendimenduak.
- Enpresa edo lanbide jardueren errendimendu garbiak.
- Ondarea handitu edo txikitu izana.

Familia-unitatearen urteko errenta edo urteko diru-sarrerak kalkulatzeko, eskatzen duen pertsonaren edo familia-unitatearen PFEZaren azken aitortzearen 507, 524 eta 529 laukien batuketara egingen da.

Eskatzailea ez badago behartuta PFEZaren aitortzearen egitera, hori egiaztatzen duen Foru Ogasunaren agiria aurkeztu beharko da, eta baita azken ekitaldiko datu fiskalen orria ere, Ogasunak emana, eta, hala badagokio, familia-unitateak izan dituen diru-sarreraren egiaztapenak ere bai.

Bat etorrita Pertsona Fisikoen Errentaren Gaineko Zergari buruzko Foru Legearen Testu Bateginaren (4/2008 Legegintzako Foru Dekretua) 7. artikuluan, j hizikian, adierazitakoarekin, 529 laukian bildutako diru-sarreraren artean ez dira aintzat hartuko hirurogeita bost urte edo gehiago dituztenei, desgaitasunen bat dutenei edo babesgabe dauden adin txikikoei harrera egiteko edo haiek egoitzetan edo eguneko zentroetan egiten dituzten egonaldiak ordaintzeko erakunde publikoek emandako diru-sarrerak. Halaber, ez dira aintzat hartuko, Mendekotasun-egoeran dauden pertsonen Autonomia Pertsonala eta Arreta Sustatzeko 39/2006 Legea oinarri hartuta, mendekotasunen bat dutenek arta pertsonalerako beharrezkoak dituzten zaintzak etxean jaso ahal izateko diru-sarrerak eta familian zaintza lanak egiteko eta arta pertsonalizatua jaso ahal izateko zerbitzuari lotuta dauden laguntza ekonomiko publikoak.

Bestalde, 529 laukian adierazitako diru-sarreraren artean, ez dira aintzat hartuko % 65eko desgaitasuna edo handiagoa dutenendako laguntzaile pertsonala kontratatu ahal izateko laguntza ekonomikoak ere.

Familia-unitateak norbait kontratatuta badauka arta pertsonala emateko, gastu hori deskontatzen ahalko da, betiere gastua modu frogagarrian egiaztatzen bada (kontratua, Gizarte Segurantzako alta eta nominak edo ordainketak aurkeztu beharko dira).

KENDU AHAL IZANEN DEN GEHIENEOAK:

Gehienekoak kontzeptuen arabera dira:

- Ohiko etxebizitzaren alokairua edo ohiko etxebizitzaren hipoteka-mailegua: Gehienez 400 € hilean (4.800 € urtean).
- Kontratututako langileak: Gehienez 700 € hilean (8.400 € urtean). Eskatzaileak laguntza ekonomikoren bat jasotzen badu mendekotasunen bat duen norbait zainduko duen zaintzaile profesional bat kontratatuzko, laguntza horren zenbatekoa kenduko zaio kontratazioaren kostu osoari.
- Eguneko Zentroa: Gehienez 400 € hilean (4.800 € urtean).
- Egoitza: Gehienez 1.000 € hilean (12.000 € urtean).

Eskatzailea edo familia-unitateko kideren bat ohiko etxebizitzarako alokairu-kontratu edo hipoteka baten titularra bada, hileko kostuaren % 70 deskontatuko da, gehienez ere 400 euro hilean, betiere ordaindu izanaren frogagiria aurkezten bada.

2. Familia-unitatearen kapital higigarri eta higiezin guztia hartzen da ondareztat. Horren balioa kalkulatzeko, Ondarearen gaineko Zergan ezarritako arauak jarraituko zaie. - Hauek hartzen dira kapital



BANAKAKO EBALUAZIOA

higigarritzat: kontu korronteko gordailuak eta eperakoak, inbertsio- eta pentsio-funtsak, balore higigarriak, bizitza-aseguruak erreskateren bat dagoenerako, eta aldi baterako errentak eta biziartekoak, bai eta arte-objektuak, antzinako gauzak, bitxiak eta balio handiko bestelako objektuak ere (Ondarearen gaineko Zergan aitortutako balioa kontuan hartuta).

- Hiri- eta landa-ondasunak hartzen dira ondasun higieztatzat (ohiko etxebizitza ez da kontuan hartuko).

3. Familia-unitatetzat hartzen dira:

a) Ezkontideek, seme-alaba adingabeek –gurasoen baimenarekin independente bizi direnak salbu– eta adin nagusikoak izanik beren gaitasun juridikoa gauzatzeko laguntza-neurriak dituzten eta desgaitasuna duten seme-alabek osatutakoa.

b) Berariazko legediaren arabera bikote egonkorrek, seme-alaba adingabeek –gurasoen baimenarekin independente bizi direnak salbu– eta adin nagusikoak izanik beren gaitasun juridikoa gauzatzeko laguntza-neurriak dituzten eta desgaitasuna duten seme-alabek osatutakoa.

c) Oinarri hauetako baldintzak betetzen dituzten guraso bakarreko familiak.

d) Aukeran, familia-unitateko kide gisa hartzen ahalko dira 18 eta 25 urte bitarte dituzten, Lanbide arteko Gutxieneko Soldata baino diru-sarrerara txikiagoak dituzten eta gurasoengandik independente bizi ez diren seme-alabak.

SALBUESPENEZKO EGOERA BEREZIAK

- Familia-harrera: familia-unitate batek desgaitasuna duen adingabe bat harreraren hartua badu (abandonu edo babesgabetasun dekretuak zehaztuta) eta adingabe horrek taxi-bonuaren banakako laguntza jasotzeko baldintzak betetzen baditu, egoera berezitzat hartuko da familiak diru-sarreraren maila (errenta) gainditzea.

- Desgaitasunen bat duten bi lagun edo gehiago familia-unitate berean: familia-unitate bateko bi kidek edo gehiagok taxi-bonuaren banakako laguntza jasotzeko baldintzak betetzen badituzte, egoera berezitzat hartuko da PFEZaren aitortzearen gehieneko diru-sarrerak gainditzea, betiere diru-sarrera horien ehunekoa ez bada oinarrietan ezarritako atalasearen % 40 baino handiagoa. Halakoetan, familia-unitateko kideek banan-banan eskatu beharko dute taxi-bonua.

- Gaixotasun larriren bat izatea eta frogatu ahal izatea gaixotasun horrek asko murrizten duela gaixoaren bizi itxaropena. Eskatzaileak horrelako gaixotasunen bat badu eta oraindik Desgaitasun Ziurtagiria tramitatzen ari badira, familia-medikuak emandako osasun-txosten bat erabiltzen ahalko da horren ordez, gehienez ere 6 hilabetez, deialdi honetako dirulaguntza lortzeko. Epe hori amaitutakoan, onuradunak eguneratu egin beharko du bere egoera, eta horretarako, laguntza berri edo hala badagokio bertan behera uzteko behar diren dokumentuak aurkeztu beharko ditu. Zer egoeratan dagoen egiaztatzen ez badu, baja emanen zaio zuzenean.

Dirulaguntza berezia denez, pertsona edo entitate onuradunek ez daukate zertan egiaztatu Dirulaguntzei buruzko Ordenantza Orokorren 10.2 artikuluan araututako betekizunak betetzen dituztela:

☐ BAI ☒ EZ

2. Nola egiaztatu pertsona edo entitate onuradun izateko betekizunak betetzen direla: Deialdi honen G.4) apartatuan eskatzen diren agiriak eta informazioa aurkeztuta dirulaguntzaren eskabidearekin batera.

E. PERTSONA EDO ENTITATE ONURADUNEN BETEBEHARRAK:



Deialdi honen ondorioetarako, pertsona edo entitate onuradunen betebeharrak dira Dirulaguntzei buruzko Ordenantza Orokorraren 11. artikuluan eta apartatu honetan ezartzen direnak.

Berariazko betebeharrak:

☒ BAI ☐ EZ

Deialdi honetan araututako ordainketa elektronikoko sistema derrigorrezkoa da laguntzen onuradunentzat.

- **Taxi-bonuaren txartelaren erabilera norberarena eta besterenezina da.**
- **Taxia eskatzean, onuradunak aldeztu aurretik jakinarazi beharko du diru-txartela erabiliko duela.**
- **Taxilariak hala eskatzen badiu, onuradunak identifikazioa aurkeztu beharko du derrigor: NANA edo nortasuna egiaztatzen duen beste edozein agiri.**
- **Dirulaguntza hau eskuratzeko modua eman dion egoera aldatu egin bada, onuradunak jakinarazi egin beharko ditu aldaketa horiek, bereziki bizi-itzaropena nabarmen murrizten dion gaixotasun larriren bat duelako eman bazaio diru-laguntza, kontuan hartu gabe mugikortasunean desgaitasun larriak dituela ziurtatzen duten Desgaitasun Ziurtagiria egin den edo ez.**
- **Erabiltzaileak edozein irregulartasun atzematen badu garraio zerbitzuan, Iruñeko Udalari jakinarazi beharko dio.**

Iruñeko Udalaren edo haren erakunde autonomoen dirulaguntzak jasotzen dituzten entitateek behar bezalako publizitatea egin beharko dute dirulaguntzaren xede diren jarduerak edo proiektuak udalak emandako finantzaketa publikoaren bidez egin direla hedatzeko. Horretarako:

- Udalaren logotipoa txertatu beharko da komunikazio edo publizitate idatzi eta grafikoetan (liburuxka, kartel, katalogo, webgune, prentsa-iragarki, publizitate digital, telebista eta abarretan), eta baita legenda hau ere: "Iruñeko Udalaren laguntzarekin – Con la colaboración del Ayuntamiento de Pamplona". Udalaren logotipoa dirulaguntza jaso duen entitatearenak duen tamaina berekoa izanen da gutxienez.
- Irratian eta beste komunikabide ez-grafikoetan egiten den komunikazio edo publizitatean lokuzio hau txertatu beharko da: "[Jarduera / Proiektu] hau Iruñeko Udalaren laguntzarekin egin da".
- Promozio- edo publizitate-oparietan eta dirulaguntzak finantzatzutako beste edozein gauza edo produktutan Iruñeko Udalaren logotipoa duen etiketa bat jarri beharko da.

Betebehar hau ez bada betetzen, dirulaguntza itzuli beharko da.

Dirulaguntza zehazki zer xedetarako eman den, horretan erabiltzeko betebeharra, Dirulaguntzei buruzko Ordenantza Orokorraren 29.4. artikuluekin bat: ☒ BAI ☐ EZ

Xede-epea:

F. PROIEKTUAREN ALDAKETAK:

Proiektuan aldaketak egiteko aukera:

☐ BAI ☒ EZ

G. ESKAERAK NON ETA NOIZ AURKEZTU:

1. Eskaerak non aurkeztu:



Eskabideak toki hauetan aurkeztu behar dira: Iruñeko Udalaren Erregistro Orokorrean (Kondestablearen jauregia, Kale Nagusia 2, behea), erregistro osagarrietan, edo, bestela, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan aurreikusitako beste edozeinetan.

2. Eskaerak aurkezteko epea: eskaerak aurkezteko epea deialdi hau Nafarroako Aldizkari Ofizialean argitaratu eta hurrengo egun baliodunean hasiko da, eta 2025eko urriaren 31n amaituko.

Administrazio-eraginkortasuna dela-eta, 2024. urtean baiezko erantzuna jaso eta dirulaguntza eskuratu duten eskaerak baliozkoak izanen dira 2025eko urtarrilaren 1etik 2025ari dagokion espedienteak ebazten den egunera arte, betiere eskaera berria oinarri hauek Nafarroako Aldizkari Ofizialean (NAO) argitaratu eta hurrengo 15 egun naturaleko epean aurkezten bada. Aipatu epean ez baina geroago eginez gero, eskatzaile berriztat hartuko dira ondorio guztietarako.

Aipatutako epetik at aurkeztutako eskaerak ez dira onartuko.

3. Eskabideak eta agiriak nola aurkeztu:

Laguntza hau eskatzeko, eskabide bat aurkeztu beharko da interesdunak berak sinatuta edo zuzenbidean baliadun den edozein bide baliatuta ordezkari dela egiaztatzen duen pertsona batek sinatuta, deialdi honen I. eranskineko ereduarekin bat. Eskabidearekin batera, deialdi honen G.4) apartatuan aipatzen diren agiriak eta argibideak aurkeztuko dira.

Eskaera batek ez baditu betetzen deialdi honetan ezarritako betekizunak, interesdunari eskatuko zaio gehienez ere hamar eguneko epe luzaezinean zuzendu dezala edo nahitaezko agiriak aurkez ditzala, eta ohartaraziko zaio hala egin ezean ulertuko dela eskaera bertan behera utzi duela, betiere aldez aurretik ebazpena emanen delarik, urriaren 1eko Administrazio Publikoen Administrazio Prozedura Erkidearen 39/2015 Legearen 21. artikulua aurreikusitakoarekin bat.

Baldin eta galdatutako agiriak Iruñeko Udalaren edo haren mendeko erakunde autonomoen eskuetan badaude, haien ordezkari erantzukizunpeko adierazpena aurkezten ahalko da indarrean direla egiaztatzeko, bertan adieraziz noiz eta zein organo edo bulegotan aurkeztu ziren edo, hala badagokio, nork eman zituen edo non dauden jasota, betiere ez badira bost urte baino gehiago pasatu agiriak dagokien prozedura amaitu zenetik.

Dirulaguntza jasotzeko eskabidea aurkezteak berekin dakar deialdi honen oinarriak oso-osorik onartzea.

4. Eskabidearekin batera aurkeztu beharreko agiriak:

Interesdunek agiri hauek aurkeztu beharko dituzte:

a) Eskatzailearen nortasuna egiaztatzen duen agiria, eta, halakorik balitz, haren izenean ari den ordezkariaren nortasuna egiaztatzekoa.

b) Erantzukizunpeko adierazpena, deialdi honen II. eranskina eredu hartuta, ziurtatzeko eskatzaileak betetzen dituela onuradun izateko Dirulaguntzei buruzko Ordenantza Orokorrek eskatzen dituen betekizun orokorrak eta deialdi honek eskatzen dituen berariazkoak, eta ez diola ezein debeku-ziok eragiten Dirulaguntzei buruzko Ordenantza Orokorren 10. artikuluan aipatzen direnen artean.

c) Agiri hauek, eskatzaileak zergei eta Gizarte Segurantzari buruzko betebeharrak eguneratuak dituela ziurtatzeko:

☐ Administrazio eskudunek emandako ziurtagiriak.



BANAKAKO EBALUAZIOA

☒ Eskatzailearen erantzukizunpeko adierazpena, aipatu betebeharrak eguneratuak dituela ziurtatzeko. Hala bada, dirulaguntza emateko ebazpen-proposamena egin aurretik, interesdunari eskatu beharko zaio gehienez ere 15 eguneko epean aurkeztu ditzala adierazpenean jasotako datuak egiazkoak direla ziurtatzen duten agiriak (administrazio eskudunek emanak).

Udalak ofizioz egiaztatuko du interesdunak egunean dituela administrazio horrekin dituen tributu-betebeharrak, eta dagokion eginbidearen bitartez adieraziko du egiaztapen hori.

d) Eskatzailea nortasun juridikorik gabeko pertsona fisiko edo juridikoen elkarteren bat bada –publikoa zein pribatua–, eskabidean berariaz adierazi beharko da elkarteko kide bakoitzak zer egiteko konpromisoa hartu duen eta zenbateko dirulaguntza aplikatuko den kide bakoitzeko. Kideok ere onuraduntzat joko dira. Nolanahi ere, elkarteren ordezkari edo ahaldun bakar bat izendatu beharko da, eta behar beste ahalorde emanen zaizkio elkarreak onuradun gisa dituen betebeharrak bete ditzan.

e) Adierazpen batean bildu beharko dira beste administrazio, entitate edo pertsona publiko edo pribatu batzuei helburu bera lortzeko eskatutako edo haiengandik jasotako dirulaguntzak, eta entitate emaileen izenak, eskatutako kopuruak eta jasotako zenbatekoak zehaztu beharko dira. (Ikusi, behar izanez gero, deialdi honen III. eranskina). ☐ BAI ☒ EZ

f) Memoria: eskatzen den dirulaguntzari lotutako proiektu, ekintza, jarduera edo programa deskribatu behar du.

g) Pertsona Fisikoen Errentaren gaineko Zergaren eta Datu Fiskalen Orriaren azken aitortpena. Aitortpena egiteko betebeharrak ez dutenek azken ekitaldiko Aitortpen Negatiboa eta Datu Fiskalen Orria aurkeztu beharko dute, Ogasunak emana, eta hala badagokie, familia-unitatearen diru-sarreraren egiaztagiria ere bai.

h) Datu Fiskalen dokumentuan ageri diren banku-kontuetako saldoen egiaztagiria, eskabidea aurkezten den eguneko, bai eta azken Errenta Aitortpena egin ondoren sortu diren banku-kontuetako saldoena ere.

h) Hala badagokio, enpresaren edo derrigorrezko irakaskuntzaren ondorengo irakaskuntza arautuko zentroaren egiaztagiria: langile edo irakasle interesdunaren egoeraren berri eman behar du, eta adierazi interesdunak ez duela garraio egokiturik eskuragarri.

i) Desgaitasun-maila aitortzeko Agiria, Pertsonen Autonomiarako eta Garapenerako Nafarroako Agentziak emana: garraio kolektiboa erabiltzeko zailtasunak neurtzeko baremoa islatu behar du.

k) Egoitza edo eguneko zentroaren ziurtagiria: interesdunak hilero ordaindutakoa adierazi behar du, honela banakatuta: egoitzako edo eguneko zentroko plazaren hileko kostua, Zerbitzuari Lotutako Prestazioagatik jasotako zenbatekoa eta egoiliarak eginiko ordainketa garbia.

l) Hala badagokio, D.1 zenbakian adierazitako salbuespenezko egoerak justifikatzeko agiriak.

Beste edozein agiri osagarri eskatzen ahalko da dirulaguntza honen onuradun izateko betekizunak betetzen direla egiaztatzeko.

Aurrekoa gorabehera, deialdi honen G.2 apartatuan ezarritakoaren arabera (onuradun zaharrak) baliozkotzat jotzen diren eskaeretan, agiri hauek bakarrik aurkeztu beharko dira:

a) Pertsona Fisikoen Errentaren gaineko Zergaren eta Datu Fiskalen Orriaren azken aitortpena. Aitortpena egiteko betebeharrak ez dutenek azken ekitaldiko Aitortpen Negatiboa eta Datu Fiskalen Orria aurkeztu



BANAKAKO EBALUAZIOA

beharko dute, Ogasunak emana, eta hala badagokie, familia-unitatearen diru-sarreraren egiaztagiria ere bai.

b) Datu Fiskalen dokumentuan ageri diren banku-kontuetako saldoen egiaztagiria, eskabidea aurkezten den eguneko, bai eta azken Errenta Aitorpena egin ondoren sortutako kontuetako saldoena ere.

c) Hala badagokio, enpresaren edo derrigorrezko irakaskuntzaren ondorengo irakaskuntza arautuko zentroaren egiaztagiria: langile edo ikasle interesdunaren egoeraren berri eman behar du, eta adierazi interesdunak ez duela garraio egokiturik eskuragarri.

Dagokion erakundeari galdetuta egiaztatzen ahalko dira deialdi honetan ezarritakoaren arabera eska daitezkeen betekizunak edota datuak.

Udalak ofizioz egiaztatuko ditu:

- eskatzailearen erroldatzea.
- ibilgailu egokitu baten jabe den ala ez, zeharka, zirkulazio-zergan salbuespena duen ala ez egiaztatuz.

Eskabidea aurkezteak berekin ekarriko du Iruñeko Udalarai baimena ematea egoki jotzen diren jarduketak egin ditzan, egiaztatzeko hala eskatzaileek emandako informazioa nola eskatutako betekizunak betetzen dituztela eta laguntza jasotzearen ondorioz onuradunak dituen betebeharrak betetzen direla.

Agiriek jatorrizkoak izan behar dute, edo horien kopia konpultsatuak, edo, bestela, indarreko legeekin bat benetakoak diren kopiak.

H. PROZEDURAREN INSTRUKZIOA ETA EBAZPENA. EBAZPENAREN JAKINARAZPENA:

1. Prozeduraren instrukzioa: Espedienteak jaso ahala tramitatu eta ebatziko dira, horretarako aurrekontu-kreditua dagoen bitartean, betiere deialdi honen B.4) apartatuan zehaztutako betekizunen, moduen eta balorazio-lehentasunen arabera. Instrukzio-organismoak emanen du ebazpen-proposamena, behar bezala arrazoiturik eta espedienteak kontuan harturik, eta ebazteko eskumena duen organoari helaraziko dio.

Deialdiaren D.1) apartatuan jasotako egoera bereziak, edo ager daitezkeen salbuespenezko beste egoera batzuk, Gizarte Ekintzako Alorreko lantalde tekniko batek aztertuko ditu banan-banan. Aldez aurretik salbuespena justifikatzeko gizarte-txostena aurkeztu beharko da, bakoitzari dagokion auzo-unitateko edo osasun-zentroko erreferentziatzeko gizarte-langileak egindakoa.

Hauek osatuko dute aipatutako lantalde teknikoak:

- Gizarte Ekintzako Alorreko Autonomiari buruzko Programaren arduraduna.
- Gizarte Ekintzako Alorreko teknikari bat.

Lantalde horrek proposamen-txosten arrazoitu bat egingen du, ebaluazioaren emaitza zehazteko.

2. Ebazteko eta jakinarazteko epea: Lau hilabeteko epean ebatzi eta jakinarazi beharko da gehienez ere.

Dirulaguntzak emateko ebazpenak arrazoitua izan beharko du, eta hauek zehaztuko dira ebazpenean berariaz: nork edo zer entitatek jasoko dituen edo dituzten dirulaguntzak, laguntzen zenbatekoak, eta, eskaerak ezetsiz gero, nor edo zer entitate diren eskatzaileak.

Dirulaguntzak emateko ebazpenak amaiera emanen dio administrazio-bideari, eta pertsona edo entitate eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legearen 40. artikuluan agindutakoarekin bat.

3. Ebazteko eta jakinarazteko gehieneko epearen hasiera-data:

- Deialdiaren laburpena Nafarroako Aldizkari Ofizialean argitara ematen den eguna: ☐ BAI ☒



BANAKAKO EBALUAZIOA

EZ
- Tramitatze eskumena duen organoaren erregistroan eskaera sartu den eguna: ☒ BAI ☐
EZ
- ☐ Epea kontatzeko beste sistema bat:
Behin prozedura ebazteko gehieneko epea amaituta berariazko ebazpenik eman ez bada, eskaera ezetsitatzat joko da.

I. EMANDAKO DIRULAGUNTZEN PUBLIKOTASUNA:

Dirulaguntzak emateko ebazpena argitaratzeko beharra: ☐ BAI ☒ EZ

Aurrekoa gorabehera, azaroaren 17ko Dirulaguntzei buruzko 38/2003 Lege Orokorraren 18.2. artikuluan adierazitakoarekin bat, Udalak Dirulaguntzen Datu Base Nazionalera igorriko ditu aipatu legearen 20. artikulua ezartzen dituen baldintzekin bat emandako dirulaguntzen ebazpenei buruzko argibideak.

J. DIRULAGUNTZEN XEDE DIREN GASTUAK:

1. Dirulaguntzen xede izan daitezkeen gastuen zehaztapena:

Diruz laguntzeko moduko gastutzat joko dira dirulaguntzen xede den jarduerarekin ez bairik gabe bat datozenak, baldin eta behar-beharrezkoak badira eta deialdi honen J.2) apartatuan ezarritako epean egiten badira. Zehazki, deialdi honen ondorioetarako, gastu hauek laguntzen ahalko dira diruz:

- Taxi-zerbitzu publikoaren ibilaldia, Iruñerriko Zerbitzu Mankomunitateak haren araudian 2025erako ezarritako tarifekin bat.

Diruz lagungarriak diren gastuetan, kostua ezin izanen da inoiz izan merkatuko balioa baino handiagoa.

Egindako gastutzat joko dira deialdi honen J.2) apartatuan ezarritako justifikazio-aldia amaitu baino lehen benetan ordaindutakoak: ☐ BAI ☒ EZ

Gastu hauek ez dira inoiz ere dirulaguntzen xede izanen:

2. Gastu diruz lagungarriak egiteko epea: **2025eko urtarrilaren 1etik abenduaren 31 arte**

K. AZPIKONTRATAZIOA:

Jarduera osorik edo zati batean hirugarrenek egitea hitzartzeko aukera, Dirulaguntzei buruzko Ordenantza Orokorraren 30. artikuluan ezarritakoarekin bat:

☐ BAI ☒ EZ

Ehunekoak:

L. DIRUZ LAGUNDUTAKO JARDUEREN FINANTZAKETA:

Pertsona edo entitate onuradunek beren ekarpenen edo beste bide batzuen bitartez finantzatu beharko dituzte diruz lagundutako jarduerak, letra honetan zehaztutako zenbateko edo ehunekoan. Finantzaketa horren zenbatekoa, jatorria eta dirulaguntzaren xedea den jarduerari aplikatzeko era justifikatu beharko da:

☐ BAI ☒ EZ

Zenbatekoa edo ehunekoak:

M. DIRUZ LAGUNDUTAKO JARDUERAREN BATERAGARRITASUNA ETA BATERAEZINTASUNA:

Udalaren dirulaguntza jasotzea ☒ BATERAGARRIA ☐ BATERAEZINA da helburu bererako beste dirulaguntza, laguntza, diru-sarrera edo baliabide batzuk jasotzearekin, kontuan hartu gabe zer administrazio, entitate edo pertsonak eman dituen laguntza horiek.



BANAKAKO EBALUAZIOA

Dirulaguntzaren zenbatekoa ez da inola ere izanen, berez edo beste dirulaguntza, laguntza, diru-sarrera edo baliabideak gehituta, dirulaguntza horien xede den jardueraren kostua baino handiagoa. Halakorik gertatzen bada, bidezkoa izanen da kostuaren gainetik lortutako soberakina itzularaztea, bai eta dagozkion berandutze-interesak eskatzea ere.

Dirulaguntzaren xede diren jarduerak finantzatzeko beste dirulaguntza, laguntza, diru-sarrera edo baliabiderik eskatu edo lortuz gero, pertsona edo entitate onuradunak horren berri eman beharko dio organo emaileari. Jakinarazpen hori bestelako laguntza horiek lortu direla jakin bezain laster egin behar da, eta, betiere, jasotako funtsei emandako aplikazioa justifikatu baino lehen.

N. ORDAINKETA:

1. Nola ordainduko diren: Dirulaguntzak modalitate honen arabera ordainduko dira:

☐ Diruz lagundutako ekintzak, proiektuak, jarrerak edo jarduerak justifikatu ondorengo ordainketa.

☒ Konturako ordainketa:

☐ Ordainketa zatikatua:

☒ Ordainketa aurreratua: Dirulaguntza honen ordainketa aurrez kargatutako txartel elektroniko baten bidez egiten da.

Iruñeko Udalak entitate kolaboratzaile bat hautatu du txartel elektronikoa kudeatzeko beharrezko lanak egiteko eta onuradunei dirulaguntza ordaintzeko, Dirulaguntzei buruzko Ordenantza Orokorak ezartzen dituen eskakizunekin bat. Entitate kolaboratzaile adjudikaziodun hau arduratuko da txartel elektronikoen bidez zenbatekoak ordaintzeaz eta onuradun bakoitzaren egoera erregularizatzeaz: taxi-bonu txarteletan kargatuko ditu, hilerio, hilabete bati dagozkion zenbatekoak, eta deialdi honen babespean emanen diren dirulaguntzetara egokitutako ordainketa-bitarteko bat sartuko du kudeaketa-sisteman; bitarteko horrek arautuko ditu hala taxi-bonuen erabilera nola banaketa, eta deialdi honen arabera egindako benetako gastuaren ordainketa.

☐ Ordainketa mistoa, ordainketa zatikatuaren eta aurreratuaren artekoa:

Dirulaguntzak ezin izanen zaizkie ordaindu pertsona edo entitate onuradunei ez badituzte eguneraturik tributu-betebeharrak eta Gizarte Segurantzarekikoak, edo diru-itzulketa bidezkoa dela xedatu duen ebazpen batek zorduntzat jotzen baditu.

2. Bermeak eratzea:

☐ BAI ☒ EZ

Eratzeko modua eta zenbatekoa:

Ñ. JUSTIFIKAZIOA:



1. Justifikatzeko modalitatea: Modalitate hau erabiliko da ezarritako baldintzak eta dirulaguntzaren helburuak bete direla justifikatzeko:

☐ Justifikazio-kontua:

☐ Justifikazio-kontua, gastuen ziurtagiria aurkeztuta (Ordenantzaren 35. artikuluan ezarritako aginduekin bat).

☐ Justifikazio-kontua, kontu-ikuskaritzaren txostena aurkeztuta:

Bestelako edukiak: ☐ BAI ☐ EZ

☐ Justifikazio-kontu erraztua:

☐ Gastuaren egiaztapena moduluka (Dirulaguntzei buruzko Ordenantza Orokorraren 37. artikuluan ezarritako aginduekin bat):

Zehaztu beharrekoak:

Modulua osatuko duten unitateak:

Moduluaren unitate-kostua:

Gainerako inguruabarrak:

☐ Kontabilitate-orrien aurkezpena:

Pertsona edo entitate onuradunak ziurtagiri bat aurkeztu beharko du egiaztatzeko aurkeztutako kontabilitateko egoera-orriak ofizialak direla eta entitateko organo eskudunak behar bezala onetsi dituela.

☒ Beste sistema bat:

Entitate kolaboratzaileak aurkeztuko du justifikazioa, eta onuradunek horretarako eskatzen zaizkien agiriak aurkeztuko dizkiote, arau hauekin bat:

- Hilabete bakoitzeko lehen astean, taxi-bonu txarteletan egindako karga eta deskargen guztizkoaren berri eman beharko da.

- Hiruhileko natural bakoitza amaitu eta hamabost egun baliodunetara, aurreko hiruhilekoaren azken egunera bitarte izandako diru-sarrerak eta gastuak justifikatu beharko dira.

- 2026ko urtarrilaren 31n, egindako jardueraren justifikazio-memoria aurkeztu beharko da, bai eta entitate laguntzailea 2025ean prestazioa ematen hasi zenetik 2025eko abenduaren 31ra bitarte egindako jardueraren gastuen eta diru-sarreraren justifikazioa ere, superabita barne, halakorik bada.

Bi une horietan, jarraian zehazten diren agiriekin osatuko dute justifikazioa: a) Diruz lagundutako jardueraren ebaluazio-memoria.

b) Deklaratzaileak izenpetutako zerrenda izenduna, banakako txarteletara egindako transferentzia.

c) Deklaratzaileak izenpetutako zerrenda izenduna, horretarako berariaz gaitutako kontu korrante nagusira itzultutako banakako txartelen zenbatekoena.

d) Taxi-zerbitzuaren karguen zerrenda izenpetua.

e) Egindako gastuen eta lortutako diru-sarreraren balantze izenpetua, horretarako berariaz gaitutako kontu korrantearen saldoa.

2. Justifikazioa aurkezteko epemuga:

1.- Hiruhileko natural bakoitza amaitu eta hamabost egun baliodunetara: aurreko hiruhilekoaren azken egunera bitarte izandako diru-sarrerak eta gastuak.

2.- 2026ko urtarrilaren 31rako: Egindako jardueraren justifikazio-memoria aurkeztu beharko da, bai eta entitate laguntzailea prestazioa ematen hasi zenetik 2025eko abenduaren 31ra bitarte egindako jardueraren gastuen eta diru-sarreraren justifikazioa ere, superabita barne, halakorik bada.



3.- Hilabete bakoitzeko lehen astean, gainera, taxi-bonu txarteletan egindako karga eta deskargen guztizkoaren berri eman beharko da.

O. DIRUA ITZULARAZTEKO BERARIAZKO ARRAZOIAK:

Zilegi izanen da hala jasotako dirulaguntzak itzularaztea, osorik edo hein batean, nola berandutze-interesak galdatzea –dirulaguntzak kobratu eta hortik aitzina, dirua itzultzea bidezkoa dela erabakitako egunera arte–, Dirulaguntzei buruzko Ordenantza Orokorren 45. artikuluan eta apartatu honetan adierazitako gainerako kasuetan ageri diren itzularazteko arrazoiak bat gertatzen bada.

Dirua itzularazteko berariazko arrazoiak: ☒ BAI ☐ EZ

- Taxi-bonu txartela behar ez den bezala edo modu iruzurtian erabiltzeak txartela erabiltzeko eskubidea galtzea ekartzen ahalko du, aldez aurretik dagokion administrazio prozeduraren instrukzioa eginda.

P. ERREKURTSOAK:

Errekurtsio hauek paratzen ahalko dira, aukeran, deialdi honen, oinarri hauen eta horiek betearazteko har daitezkeen administrazio-ebazpenen aurka:

- Berraztertze errekurtsioa, administrazio-egintza gauzatu duen udal-organoari zuzendua, hilabeteko epean, errekurritzen den egintza jakinarazi edo argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.

Q. KONTUAN HARTU BEHARREKO BESTE BATZUK:

1. Ezinbestekoa da kreditu egokia eta nahikoa egotea dirulaguntzak emateko, eta, horrenbestez, ezin izanen da ezein laguntzarik ematea onetsi 2025. urteko aurrekontua (luzatua zein behin betikoa izan) indarrean sartu arte deialdi honi erantzuteko kreditu egoki eta nahikoarekin.

2. Entitate laguntzaile bat aukeratu da programa honen babespean emandako dirulaguntzen ordainketa egiteko, eta horrek, organo emailearen izenean eta haren kontura, beharrezko diren lanak eginen ditu dirulaguntzak onuradunei emateko eta banatzeko. Entitate laguntzailearen aukeraketa Dirulaguntzei buruzko Ordenantza Orokorren 13.5 artikuluan ezarritakoarekin bat egin da. Deialdi honetara bideraturiko kreditua aukeratutako entitate laguntzaileak kudeatu eta banatuko du. Onuradunen artean banatzeko jasotako funtsak ez dira ezein kasutan entitate laguntzailearen ondarearen partetzat hartuko.

Entitate laguntzaileak Iruñeko Udalaren Dirulaguntzei buruzko Ordenantza Orokorren 10. eta 12. artikuluetan jasotako betebeharrak onartu beharko ditu.

Entitate laguntzaileak funtsak itzuli beharko ditu baldin eta dirulaguntzak emateko betebeharrak betetzen ez baditu, eta, edozein kasutan, Dirulaguntzei buruzko azaroaren 17ko 38/2003 legearen 37. artikuluan eta Iruñeko Udalaren Dirulaguntzei buruzko Ordenantza Orokorren 45. artikuluan jasotako kasuetan.

Iruñeko Udalak dirulaguntzen deialdi honetara zuzendutako funtsen % 80 emanen dio urteko lehenengo bihilekoan dirulaguntzak kudeatzeko ardura duen entitate laguntzaileari.



BANAKAKO EBALUAZIOA

Behin deialdiaren lehenengo hiruhilekoaren justifikazioa baloratuta, gainerako % 20ari dagokion zenbatekoa transferituko zaio entitate laguntzaileari, ezertan galarazi gabe oinarri hauen Ñ apartatuan ezarritako justifikazioak.

3. Oinarri hauek erreferentzia egiten dioten Errege Dekretua, 1971/1999 zenbakiduna, ez dago indarrean dagoeneko, baina eskabideak kudeatzeko, dekretu hori aplikatuko zaie 888/2022 Errege Dekretua indarrean sartu aurretik igorritako ziurtagiriei.

R. ERANSKINEN AURKIBIDEA:

☒ I. ERANSKINA. ESKABIDE-EREDUA.

☐ II. ERANSKINA. ERANTZUKIZUNPEKO ADIERAZPENA, ONURADUNAK BETEKIZUNAK BETETZEN DITUELA ETA ONURADUN IZATEKO EZEIN DEBEKU ZIOK ERAGITEN EZ DIOLA ZIURTATZEKO.

☐ III. ERANSKINA. ERANTZUKIZUNPEKO ADIERAZPENA, XEDE BERERAKO DIRULAGUNTZAK ESKATU IZANAREN GAINEAN.

☐ ERANSKIN OSAGARRIAK.



I. ERANSKINA

2025erako TAXI-BONUEN DIRULAGUNTZA JASOTZEKO ESKABIDEA

ESKATZAILEAREN DATUAK

Izena:	Lehen abizena:	Bigarren abizena:
Helbidea:		
Herria:	PK:	Telefonoa:
NANa:	Jaioteguna:	
Eskaera berria: ☐	Familia-unitatearen kide kopurua:	
Berritzea: ☐	Desgaitasunen balorazioa duten kideen kopurua:	
	Egoitza batean dauden kideen kopurua:	

ERANTZUKIZUNPEKO ADIERAZPENA

- ADIERAZPENA: Bete egiten ditut dirulaguntzei buruzko ordenantza orokorrak eskatutako betekizun orokorrak eta deialdi honetan ezarritako berariazkoak, eta ez dit eragiten onuradun izateko debekuzioetako bakar batek ere.
- ADIERAZPENA: Egunean ditut zergei dagozkien betebeharrak, bai eta Gizarte Segurantzarekin ditudanak ere.
- ADIERAZPENA: Ez dut gidabaimenik, edo desgaitasunaren ondorioz fisikoki ez naiz gidatzeok gai.
- ADIERAZPENA: Ez dut mugitzeko desgaitasuna dutenendako egokitutako ibilgailu propioirik.
- ADIERAZPENA: Eman ditudan datu guztiak egiazkoak dira, eta jakinaren gainean nago datuak ezkutatzea edo faltsutzea nahikoa arrazoi izaten ahal dela espedientea baliogabetzeko.
- BAIMENA EMATEN DIOT Iruñeko Udalari bere eginkizunak betetzean administrazio publiko eskudunek dituzten fitxategi publikoak egiaztatu eta kontsultatu ditzan deialdi honetan eskatutako betekizunak eta inguruabarrak betetzen direla egiaztatzeko.

Iruñean, 2025(e)koaren(e)an.

SINADURA

NANa

Datuen babesa: Iruñeko Udala da eskatutako dirulaguntzaren edo laguntzaren kudeaketa egiteko erabiliko diren datu pertsonalen arduraduna. Datuak lagatzen ahalko dira indarrean dagoen legeria betez. Eskubidea duzu datuetan sartzeko, datuak zuzentzeko – zuzenak ez badira –, horiek ezabatzeko eta bestelako eskubideak gauzatzeko Erregistro Orokorrera (Kale Nagusia 2, 31001 Iruña) edo egoitza elektronikora joaz. Udalaren intranet sarean, datuen babesa atalean, informazio gehiago duzu eskuragarri. Laguntzaren eskabidean hirugarrenen datuak jasotzen badira, aurreko paragrafoan adierazitakoen berri eman beharko zaie datuak sartu aurretik, eta, beharrezkoa izanez gero, haien baimena eduki beharko da.



ERANTSI BEHARREKO AGIRIAK

▪ **Eskaera berriak:**

- a. PFEZaren AITORPENA, azken ekitaldiko DATU FISKALEN ORRIA barne; aitorpena egiteko betebeharra eduki ezean, Ogasuneko Departamentuak emandako AITORPEN NEGATIBOA.
- b. PFEZaren Datu Fiskalen dokumentuan ageri diren banku-kontuetako saldoen ziurtagiria, eskabidea aurkezten den egunekoa, bai eta azken Errenta Aitorpena egin ondoren sortu diren banku-kontuetako saldoena ere.
- c. Desgaitasun-mailari buruzko Agiri Ofizialaren kopia.

Hala badagokio,

- d. Desgaitasuna edo mendekotasuna duena artatzeko norbait kontratatu izanaren frogagiria.
- e. Hipoteka edo alokairua ordaintzen dela egiaztatzen duen frogagiria.
- f. Derrigorrezko hezkuntzaren osteko ikasketa arautuak ematen dituen ikastetxe batera joaten dela egiaztatzen duen frogagiria.

▪ **Berritzeak:**

- PFEZaren AITORPENA, azken ekitaldiko DATU FISKALEN ORRIA barne; aitorpena egiteko betebeharra eduki ezean, Ogasuneko Departamentuak emandako AITORPEN NEGATIBOA.
- PFEZaren Datu Fiskalen dokumentuan ageri diren banku-kontuetako saldoen ziurtagiria, eskabidea aurkezten den egunekoa, bai eta azken Errenta Aitorpena egin ondoren sortu diren banku-kontuetako saldoena ere.
- Hala badagokio, murriztapenetarako egiaztagiria (d, e, f).